

豫

章

棻

書

第二冊

鄱陽五  
家集

己未仲夏  
刊於退廬

欽定四庫全書總目卷一百九十

集部

總集類五

鄱陽五家集十五卷

江西巡撫  
採進本

國朝史簡編簡宇文令鄱陽人是編輯其鄉人之

詩自宋末至明初凡五家一曰芳洲集三卷黎

廷瑞撰廷瑞字祥仲永咸淳辛未進士授迪功

郎肇慶府司法參軍二曰樂菴遺藁二卷吳存

撰存字仲退延祐元年舉於鄉官至饒州路鄱

陽縣主簿三曰松巢漫藁三卷徐瑞撰瑞字山

玉號松巢宋末元初人嘗爲鄱邑書院山長集

末附其從子發詩三十六首四曰仰山集四曰寓

齋詩集二卷葉蘭撰蘭字楚庭號醉漁元太常  
寺禮儀院奉禮郎明太祖召之投水死末附葉  
德新先生僅存詩一卷德新名懋蘭之父也口  
元時官嘉興路總管五曰春兩軒集四卷劉炳  
撰所錄以詩爲主間亦及詩餘及賦考五家之  
中惟劉炳全集有傳本已著於錄其餘四家及  
所附錄二家則刊本殊稀頗賴此刻以存其詩  
大都諧雅可誦非誇飾風土濫盈卷帙者比也  
葉懋爲葉蘭之父而其詩附刻蘭詩後蓋用黃  
庭堅集附刻伐檀集例於義未允今移此卷於

蘭詩之前焉

鄱陽五先生合刻詩集叙

歐陽率更帖云年二十餘至鄱陽眾士湊聚二張才

論一時俊

可言

便是月旦蕭

放誕亦有雅致彭君摘藻

特有自然至如閣山神詩先輩亦不能加是數君子

吾饒賢豪也曾載臨川石刻今其人俱不復可

考矣元時鄱陽先後以詩名者則有周伯顏徐天麟

工古詩蔡儒實工絕句朱有問工詞章徐省

工唐律或字或名猶載郡志今其詩文亦不復能盡

傳矣予素喜湖鄉先文獻每欲考其行傳其言按其

里居生長之地而見山川之所鍾靈察其相與交游而識一時友朋之所切磋師弟之所傳習稽其永念天顯則古昔稱先王而悉其生平孝友夙有水源木本之思與夫出入進退登降揖讓之大要彷彿其律身行已澤人愛物之弘願有是人而爲之傳如同堂語如覲面親如辟咡詔讀其文章上下其議論似有所忻而先予歌焉有所懷而先予戚焉而知古今人之心志不甚相遠也或薄富貴而甘貧賤或出湯火而慶風雲比事以觀其異同可見其人之性情亦與之俱見昔周伯溫氏論詩云吾饒前輩如準軒吳公

芳洲黎公養吾李公諸作皆不尙雄渾未免有氣運  
使然之嘆若李燦然待制董宗文許栗夫朱克升諸  
達則謂其性理精到專務舉業競進取之科猶嫌其  
於詩道益寥寥然則詩固難其人哉予山居景行前  
哲有年矣媿聞見淺陋不能博涉廣搜因于暇日次  
第彙集吾鄱五先生詩成爲之志其年世相去之久  
遠其間聞風親炙追步唱酬歷歷如見是其風雅淵  
源有自來矣大吾邑之能詩而宜傳者三四百年之  
間固不盡此數先生也而數先生幸有詩以傳予懼  
其幾於不傳是以汲汲爲之傳焉其他宜傳而不及

盡傳者尙願同志廣予見聞之所未逮非敢以是而  
槩畧也時康熙八年孟夏月芝麓樵夫史簡序

鄱陽五家詩集

卷一

芳洲集一

四言體詩三首

五言絕句五首

七言絕句四十二首

五言近體三十七首

七言近體四十四首

卷二

芳洲集二

五言古風八十六首

卷三

芳洲集三

七言古風二十一首

長短句十七

首

補遺六首

詩餘三十二首

卷四

樂庵遺稿一 七言絕句二十七首 五言近體

十二首 七言近體四十二首

卷五

樂庵遺稿二 五言古風二十一首 七言古風

十首 詩遺三十首 祭文一首

卷六

松巢漫稿一 五言絕句四十二首 六言絕句

十四首 七言絕句一百一十四首

卷七

松巢漫稿二 五言近體四十三首 七言近體七十首

卷八

松巢漫稿三 五言古風五十九首 七言古風十二首 五言排律三首 賦三首 附仰山遺稿詩三十六首

卷九

寓庵集一 七言絕句三十二首 五言近體十三首 七言近體三十六首

卷十

寓庵集二 五言古風六十一首 七言古風十

九首 長短句十一首

卷十一

春雨軒集一 五言古風十四首 五言近體六

首 六言詩七首 七言古風三十四首

卷十二

春雨軒集二 七言近體五十二首 七言絕句

二十七首

卷十三

春雨軒集三 樂府三十一首 賦三首 詩餘

十二首

卷十四

春雨軒集四 百哀詩六十七首

卷十五

附 僅存集詩二十六首

鄱陽五家集總目

芳洲集卷一

鄱陽五家一

鄱陽黎廷瑞著

史簡編

四言體

送梁必大歸杭省親

楚水送梁子也梁子爲楚文學掾將歸覲其親友念

別故作是詩以送之

悠悠楚水靄靄吳雲孰作之台胡然而分豈無良朋  
我獨子忻於穆令德有祭其文

吳雲靄靄楚水悠悠眷念庭闈道阻且修爲貧而仕  
匪食孰求曷不偕來以解爾憂

瞻彼日月有望有弦慨彼中年別友實難有芹于池